

AMAHEBHERE, ISAHLUKO SESIBINI ²

...uza kuqala, aze afundisise iZibhalo, ukuze abenakho ukuyithelekisa kwaye abe nokubona okokuba yayiyiNyaniso okanye hayi. Wayithabatha, iNyaniso, ngeTestamente Endala. Ngoku, uPawulos wayesisifundiswa seTestamente Endala. Bangaphi abayaziyo lonto? Wayefundiswe phantsi kwesinye sabangcono abafundiswa bomhila wakhe, uGamaliyeli, esibalaseleyo isifundiswa. Kwaye uPawulos wayeyazi iTestamente Endala. Kwaye ndicinga ukudlikidlwa kwakhe kokuqala, njengoko benditshilo ngale ntsasa, xana wangqina ukufa kukaStefano. Into ethile kufanele yamfumana uPawulos, ngokuba konke ukuya ngemibhalo yakhe waqhubeka ebhekiselela kuko, "Andifanelekanga, ngokuba ndatshutshisa iBandla kude kuse ekufeni. Ndingoyena umncinci kubo."

⁹⁵ Owu, kodwa uThixo wayenengcinga eyahlukileyo yayo. Wayengomnye wawona anamandla amadoda omhla.

Yabona oNgewelete uPawulos, omkhulu
umpostile
Kunye nengubo yakhe ikhazimla kakhulu
kwaye intle, (yatsho imborgi)
Owu, ngokuqinisekileyo kufanele kubekho
okuthile ukukhwaza
Xana sonke sihlangana Phaya.

Olwa Suku lukhulu xana ndimbona yena esamnkela isithsaba sokufela inkolo, umvuzo wokufela inkolo!

⁹⁶ Ndema ngakwindlwana encinci endala, apha kungekudala, apha wabhalayo eziLeta. Baze emva koko banqumla intloko yakhe. Baza bamgibisela ngaphaya kumjelo wobumdaka, ukuhlamba umjelo wobumdaka. Kwaye lomYuda mncinci phaya, wathi, "Ndithwala emzimbeni wam iziva zikaYesu Kristu. Ndilwile namarhamncwa ase Efese, kodwa ndilwe umlo olungileyo. Uggatso ndilugqibile. UKholo ndilugcinile. Kwaye kususela ngoku, kukho isitshaba sobulungisa endibekelwe sona, eyokuthi iNkosi, uMgwebi olilungisa, andinike ngolwaSuku. Kwaye hayi kuphela mna, kodwa nabo bonke abo bakuthandayo ukubonakala Kwakhe." Indlela endikuthanda ngayo okuya! Owu, ndifuna ukubalelwa kunye nabo! Sasiqhele ukucula ingoma:

Owu, ungabalelwa njengomnye webandla
Lakhe?

Ungathanda ukubalelwa njengomnye
webandla Lakhe?
Ungabi nabala ngaphakathi, uqaphele kwaye
ulindele okwakubonakala kubekho;
Uyeza kwakhona.

⁹⁷ Ndifuna ukuba ngomnye wabo. Ngoku umbhali uyaqhube ka,
esithi:

*Ngenxa yoko simelwe...kukuzinyamekela
ngokugqithiseleyo izinto esazivayo, hleze nangaliphi
ixesha siphuncukane nazo.*

⁹⁸ Njengoko sikufundisile kokuya, ngale ntsasa, umqolo wes-
2 uqubitsana, “Ukuba . . .”

ukuba ilizwi elathethwa zizithunywa zezulu . . .

⁹⁹ Yintoni esizifumana zizizo izithunywa zezulu? Abaprofeti.
“UTHixo wathetha ngamaxeshu akudala . . .” Ngoku, kufuneka
wenze, hayi ulovo olulolwethu, kodwa iBhayibhile. Ngoku
isahluko soku-1, se . . . isahluko soku-1, umqolo woku-1.

*UTHixo, kumaxesha akudala . . . nangeendlela ezininzi
wayethethile . . . koobawo ngabo abaprofeti,*

¹⁰⁰ Ngoku uya ngapha, aze atsho kwakhona.

*Kuba ukuba ilizwi elathethwa ngezithunywa
laqina, . . .*

Kwaye ithetha ntoni *isithunywa* sezulu? “Umthunywa.”
Ukuba umthunywa kaThixo othanjisiveyo . . . Kuze emva
koko ukuba sithanjisiwe, singabathunywa bakaThixo.
Singabathunywa ehlabathi, abameli beZulu, sivakalisa ukuba
singabaphambukeli nabangaziwayo. Asingabo abelihlabathi.
Kodwa sifuna uMzi ozayo, oMakhi noMenzi wawo inguThixo.
Asibeki butyebi kweli hlabathi, apho amasela aqhekezayo
angene, namanundu, nokubola, nokonakala. Kuba, ubutyebi
bethu bulele eZulwini, apho uYesu ahleli ngasekunene
kobuNgangamsha. Owu, enjani ukubanozuko nokumangalisa
into, ukwazi ukuba:

Amathemba ethu awakhelwanga nakwenye
into engaphantsi
KuneGazi likaYesu nobulungisa;
Xa konke okujikeleze umphefumlo wam
kunikezelwa,
Ngoko Ulilo lonke ithemba nokuxhaswa
kwam.

KuKristu, iLiwa eliqinileyo, ndimile;
Yonke eminye imihlaba yintlabathi ezikayo,
Yonke eminye imihlaba yintlabathi ezikayo.

¹⁰¹ Indlela awayibhala ngayo langoma u-Eddie Perronet,
ngamaxeshu entshutshiso!

Ngoku, ukuba ilizwi elathethwayo ngezithunywa zezula laqina, . . . (Xana abathunywa bakaThixo batetha iLizwi, Lema.) . . . waza wathi wonke umvuzo wamnkela umvuzo oyeleleyo;

Sothini na ukusinda ngoku, ukuba asimva uKristu, Othethayo eZulwini?

Ngoku qaphela:

Sothini na ukusinda, ukuba sihilizela usindiso olungakanana; . . . (Yicinge.) . . . lona ekuqaleni laqalwa ukuthethwa yiyo iNkosi, . . .

¹⁰² UKristu uqalisa umsebenzi Wakhe. Yintoni Ayenzileyo? SiyaMbukela, indlela Yena . . . athobeke, aphantsi, indlela Awayengamkhulwanga ngayo ngokuqapheleka indoda njengezifundiswa zenkolo. Kodwa Yena wayethobekile, enobulali, enobubele. Wayengengomshumayeli unamandla. IZwi Lakhe lalingaviwanga estratweni.

Kodwa uYohane waphuma njengengonyama egqumayo. Wayengumshumayeli.

¹⁰³ UYesu waphuma, hayi njengengonyama egqumayo, kodwa uThixo esezenza kunye naYe, eqinisela iLizwi. UThixo wayekunye noKristu. UPetros wathi, ngoSuku lwePentekoste, “Nina madoda akwaSirayeli, nani bemijo kwelakwaYuda . . . uYesu waseNazarete, iNdoda evuniyewo nguThixo phakathi kwenu, ngemiqondiso nangezimanga nemimangaliso, athe uThixo wayenza ngaYe, phakathi kweni nonke, eningamangqina nonke.” Qaphela indlela ayibethelela ngayo kubo. “Kufanele benimazile Yena.”

¹⁰⁴ Wathi uYesu, “Nina bahanahanisi.” Wathi, “Niphumela ngaphandle niye kujonga ilanga, kwaye nina . . . Libomvu kwaye liyatshona, nithi, ‘Izakuba yimozulu embi.’ Kwaye ukuba liqaqambile kwaye liyakhanya, okanye njalo njalo, nithi, ‘Izakuba yimozulu entle.’” Wathi, “Ninakho ukucalula isibhakabbaka, kodwa imiqondiso yexesha, aninakho ukuyicalula. Kuba ukuba benindazile Mna, ngebe niwazile nomhla waM.”

¹⁰⁵ Owu, yintoni Yena ebeya kuyikhwaza ngobu busuku. Indlela uMoya Wakhe okhwaza ngayo ngabashumayeli Bakhe, “Iyure ifikile!”

Siyaculula. Siqaphele iziqhushumbisi ze atom. Siyayazi ngubani ozakuthabatha indawo kaClark Gable, nokuba ngubani ozakwenza *lena, leya*, okanye *enye*; okanye ngubani ozakuba ngusekela mongameli. Sinomdla kokuya, kodwa asinakho ukucalula imiqondiso yexesha. Sisesiphelweni.

¹⁰⁶ Yintoni? Sinomdla kangako kwi, “Yintoni isahluko esilandelayo sikamabonwakude? Yintoni azakuyenza uSusie?” okanye ngubani igama lalamfazi. “Kwaye uyaphi u-Arthur

Godfrey? Luhlobo luni lwesiqhulo azikusenza kwixesha elizayo?" Thina, njengoMkristu, sidiyobha ingqondo yethu izale ngnjalo umbolo, xa simelwe kukuba semthandazweni ndaweni ithile, size sifundisise iBhayibhile, ukuze sazi imiqondiso yexesha esiphila kulo.

¹⁰⁷ Yintoni eyenza oko, ixesha elininzi, ziipulpiti ezibhetyebhetye, injalo lonto, ezingehleli ezantsi ukuze zizise iVangeli yeNyaniso. Sizakufuneka siphendule ngenxa yokuya kwimihla ezayo. Akufuneki sihilizele nayiphi into. Kwaye abantu, njengoko silapha kuloMnquba kaBranham, ukuza kubona imiqondiso nezimanga, namandla ovuko lukaKristu; kuze emva koko sazi ukuba siyakubeka amaxesha ethu—ethu phezu kwezinye izinto, size sihilizele ukuliva iZwi leNkosi uYesu, "Siyakusinda njani, ukuba asiluhoyi olukhulu kangako usindiso?"

¹⁰⁸ Umqolo wesi-3, okanye umqolo wesi-4. Apha kulapho besiphele khona, kumqolo wesi-4, ngale ntsasa.

UThixo engqinelana nabo, . . . (Owu, bethu!)

UThixo . . . engqinelana nabo, . . .

Phulaphula eLizwini.

*. . . ngokubini ngemiqondiso . . . nezimanga,
nemisebenzi ngemisebenzi yemimangaliso, . . .*

Yintoni imimangaliso emininzi? Yintoni *okuninzi?* *Okuninzi* kuthetha "eninzi." "Neminizzi imimangaliso, uThixo engqinelana nabo." Owu Thixo! Ndiyatatemba ukuba Iyakuzika ezintliziyweni zenu. Phulaphulani.

¹⁰⁹ Ndinqomnye wabelusi benu, kunye noMzalwana uNeville apha. Ndifuna Ibe kushicilelo. IBhayibhile yathi, "Ukuba kuvela omnye aze phakathi kwenu, atsho *nje-na-nje*, ize ingenzeki, sanukuyimamela, kuba Andiyithethanga. Kodwa ukuba uthetha eGameni laM, kwaye oko akutshoyo kuyenzeka, ngoko yiveni Yona." Amen. "Kuba ndikunye nala mprofeti, okanye umshumayeli, nantoni enokuba yiyo. Ukuba oko akutshoyo kuyenzeka, ngoko mveni yena."

¹¹⁰ Ngoku, zihlobo, masimve Yena, uMoya oyiNgeweles ethetha phakathi kwethu, ebonisa emininzi imimangaliso, nemiqondiso, nezimanga. Masingagqithi nje phezu kwaYo njengezenzeko eziqhelekileyo. Masikhumbule ukuba NguYesu Kristu, ongye izolo, namhlanje, naphakade; eqinisela iLizwi Lakhe. Masiyenze. Owu, ncedani yenzeni. Thathelani ingqalelo. Mayithi yonke enye into ize kamva, nkqu nendlu yakho, umyeni wakho, umfazi wakho, abantwana bakho. Nantoni na enokuba yiyo, yibeke kwindawo yesibini. Beka uThixo kuqala. Uthi, "Mzalwana uBranham, ngaphezu kwabantwana bam?" Ngaphezu kwayo nayiphi into. Beka uThixo kuqala. Yena makabe ngowokuqala.

¹¹¹ U-Eliya wesuka entaben, ngenye imini. Waye eyingelosi, umthunywa, umthunywa kaThixo, othanjisiwego. Kwaye wafumana umfazi ongumhlolokazi echola amakhuni amabini. Wathi, “Hamba, undenzele amaqebengwana amancinci, uze undiphathethle namanzi amancinci.”

¹¹² Waze wathi, “Oko umphefumlo wakho usaphila, andinanto kuperha ngamaqebengwana nje aneleyo, okanye intlama yengqolowa eyaneleyo, yokwenza iqbengwanana elincinci. Kwaye ndine oli nje eyoneleyo yokuya, kuyixuba, ukwenzela ithutyana. Kwaye ndichola amakhuni amabini.” Indlela yakudala yayi, yindlela yamaNdiya, yokuphambanisa amakhuni uze uwavuthise ukusuka esiphakathini, uqhubeku uwatyhalela ngaphakathi. Ndenze imililo emininzi yaseddelwani enjalo. Wathi, “Kwaye ndizakuphekela mna nenkwenkwe yam ela qebengwana lincinci, usana lwam. kwaye sizakuyitya size sife.” Kwaye kukho imbalela okwemninyaka emithathu neenyanga ezintandathu, kungekho manzi naphina.

¹¹³ Lowa ungqongqo, mdala umprofeti, wajonga la mfazi ebusweni. Wathi, “Hamba, wenzele mna iqbengwana kuqala.” Okunjani ukuyalela, bokuba indoda ixelele umfazi ongumhlolokazi, elambela ukufa, ukuba atyise yena kuqala. Yintoni awayitshoyo? “Ngokuba ITSHO INKOSI, umphanda uwusayi koma, negutyanu alisayi kuminyelwa, ade uThixo athumele imvula emhlabeni.”

Kuqala, uThixo. Wangena waza wenza ela qebengwana lincinci, waza weza walnika umprofeti. Wabuyela emva wenza elinye, nelinye, nelinye, nelinye. Kwaye umphanda zange wome, okanye igutyanu liminyelwe, wade uThixo wathumela imvula emhlabeni. Wabeka uThixo phambi kwabantwana bakhe. Wabeka uThixo phambi kwayo nantoni engenye. Wathabatha ubuKumkani bukaThixo, kuqala.

¹¹⁴ UThixo kufuneka abe nendawo yokuqala entliziyweni yakho, indawo yokuqala ebomini bakho, indawo yokuqala kuyo yonke into oyenzayo okanye oyiyo. UThixo makabe ngowokuqala. Akayifuni indawo yesibini. Akafanelangwa yindawo yesibini. Ufanelwe kokona kungcono, nokokuqala, nako konke esinako. Ufanelwe kuko. Malisikelelwe iGama Lakhe elingcwele!

*Kuba uThixo wa...ngqinelana nabo kananjalo,
wanika ubungqina, ngemiqondiso nezimanga,...
nemimangaliso emininzi, kune nezipho zikaMoya
oyiNgcwele, ngokwentando yakhe?*

¹¹⁵ Hayi oko amadoda akutshoyo, oko ibandla lakutshoyo, kodwa oko kwakuyintando kaThixo. Owu, sidinga ukufuna intando kaThixo, hayi inceba yommelwane wakho, hayi inceba yababantwana bakho, hayi inceba yomyeni wakho okanye umfazi wakho. Kodwa, funa intando kaThixo, uze wenze oko kuqala.

Emva koko yonke into engenye, intando yomfazi nentando yabantwana, iyakungena kanye kunye nayo. Kodwa, beka uThixo kuqala.

¹¹⁶ Qaphelani, ngoku.

Kuba akalithobelanga phantsi kwezithunywa elimiweyo eliza kubakho, eli sithetha ngalo.

¹¹⁷ Ngenye indlela, iiNgelosi ezinkulu ezilungiselela eMazulwini, uGabhriyeli, uMikhayeli, uWoodworm, kunye namashumi amawaka aphindwe ngamashumi amawaka eeNgelosi zeZulu; okanye amashumi amakhulu abaprofeti awayekhe asemhlabeni, bonke ngamnye kubo; Akazange abeke nenye yazo ibe nolawulo phezu kwehlabathi eliyakuza, esithetha ngalo. Nanye yazo! Akazange athi, “Isaya, uyakulawula ihlabathi.” Akazange wabeka ihlabathi phantsi kolawulo luka Eliya. Engazange Walubeka kuGabhriyeli, okanye nakwesiphi isithunywa sezulu, nakuwuphi umoya olungiselelayo.

¹¹⁸ Qaphela oko wakutshoyo, uPawulos, esenza mkhulu uKristu, ntoloyo sithetha ngayo.

Kodwa omnye kwenye indawo wangqina, esithi, Uyintoni umntu, lento umkhathalele kangaka? okanye unyana womntu, lento umvelelayo yena?

Wamnciphisa kancinci kunezithunywa zezulu; wamthwesa uzuko nembeko, wammisa phezu kwemisebenzi yezandla zakho:

¹¹⁹ Ngoku, ukuba nifuna ukufunda okuya, ziiNdumiso 8:4-6, uDavide ethetha. Ngoku yintoni awambiza yona uDavide apha? Oko kwayilungisa, kanye phaya, nokuba bendilungile ngale ntsasa, kubaprofeti.

¹²⁰ Wathi, “Kuba esinye sezithunywa satsho kwenye indawo.” UDavide, umthunywa kaThixo, wayesisithunywa sikaThixo, kuba wayengumthunywa kaThixo. Isithunywa sathi, uDavide wathi, kwiiNdumiso, “Wena umenze wasilela kancinci kuneZithunywa zeZulu.” Isithunywa sezulu satsho ukuba uThixo umenze Yena wasilela kuneNgelosi, ukuze Yena abe nomthwesa isithsaba Yena; kwaye Yena abe nokuva ubunzima aze angcamle ukufa, ukuze aphakanyiselwe phezulu kwakhona. Ukuze Yena abenokumenza Yena i...adle ilifa zonke izinto zehlabathi. [Indawo engenanto eteyiphoni—Mhl.]

¹²¹ Ngoku, ku—kuMateyu 28:18, sifunda oku. Emva kokuba Wayebethelelwemnqamlezweni waze wavuka kwakhona kusuku Iwesithathu, Wahlangana nabafundi Bakhe waze wabayalela ukuba baye kulo lonke ihlabathi, bayokushumayela iVangeli kuso sonke isidalwa. Wathi, “Onke amandla eZulwini nasemhlabeni anikelwe ezandleni zaM. Onke amandla eZulwini, onke amandla emhlabeni, anikelwe kuM.” Yayiyintoni? Umntu noThixo babehlangene. ULogos wayenziwe inyama kwaye

wabulawa, waza wavuka kwakhona ukwenzela uweteyelo lwethu, waze emva koko waba ngu Imanuweli othanjisiveyo unaphakade kanaphakade. UThixo waguqula indawo Yakhe yokuhlala, ukusuka eTroneni kwizithuba ngaphaya, ukuya entliziyweni yoNyana Wakhe, uKristu uYesu, ukuze ahiale kwaye alawule naphakade. "UThixo wayekuKristu." Usisiphelo sendawo yokuphumla kukaMoya.

¹²² UMoya uhlala emnqubeni, ngenye imini, niyayazi lonto, phantsi kwentente. "Kwaye uSolomon wamakhela Yena indlu. Kodwa, nakubeni kunjalo, Osenyangweni akahlali kwizindlu ezakhiwe ngezandla." "Kodwa umzimba UNdenzele wona."

¹²³ Ngaphaya kwiNcwadi yeZenzo, isahluko sesi-7, xana wayethetha, wathi, "Bonke baYibona kwantlandlolo. Bamakhela Yena intente, uMoses wayenza, waba nentente, waza wabeka ityeya kuyo, kuba uThixo wayekwiSihlalo seNceba. Wayengahlali phaya." Kulungile.

¹²⁴ Ngoko, "Umzimba undenzele wona Yena," umzimba weNkosi uYesu Kristu, wenziwa wasilela kancinci kuneeNgelosi ukuze angcamle ukufa; kwaye namnye kuphela oyena ophakamileyo woseNyangweni, uKristu; iNkosana yoXolo, uKumkani wookumkani, iNkosi yenkoski, uMdali wayo yonke inkwenkwezi ehlabathini.

¹²⁵ Owu uThixo! Waba ngosilele kancinci kunendalo Yakhe, ukuze Abenakho ukuhlangula abantu (ongenakhaya, abangancedakaliyo abantu), abanike ikhaya eZulwini. Washiya uzuko lwaseZulwini. Washiya eliphakeme kakhulu iGama elalinokubizwa. Kwaye xana Wayelapha emhlabeni, abantu baMnika eliphantsi kakhulu igama ababenakho ukulinika Yena, bathi, "Wayelusana olungumgqakhwe, into yokuqala." Ezalelw estalini, esongelwe ngemirhaji esuswe kumva wedyokhwe yenkabi. Kungekho ndawo yakuya, engenakhaya lakuya kulo. Kwaye wabizwa, "Bhelezabhule," inkosi yamademoni. Waphathwa kakubi. Watsicelwa. Kwahlekiswa ngaye. Waliwa, kwaye waya kwezona zisezantsi iiinzonzobila, kwaye wazithoba "Kwelona lingcole kakhulu ihenyukazi." Yilonto abantu abayenzayo kuYe.

¹²⁶ Kodwa uThixo waMphakamisela phezulu kakhulu ukuze Abenokujongela ezantsi ukubona iZulu. Abantu baMnika esona sihlalo sisezantsi, baMnika eyona ndawo imbi kakhulu, elona liphantsi igama. UThixo waMphakamisa waza waMnika esona siphezulu iSihlalo, kunye nelona liphakamileyo iGama. Lowo ngumahluko oko abantu bakwenzayo ngoNyana kaThixo, noko uThixo wakwenzayo ngoNyana kaThixo.

¹²⁷ Wazithoba, ukuze sibe nakho ukuphakanyiswa. Waba sithi, ukuze ngobabalo Lwakhe sibenakho ukuba nguYe. Weza kwabangenamakhaya, waza waba ngongenakhaya Yena buqu, ukuze sibenakho ukuba nekhaya. Weza kwabagulayo waza

wenziwa ogulayo Yena buqu, ukuze sibenakho ukuphiliswa. Weza kumoni, “waza wenziwa isono, Yena buqu,” ukuze sibe nakho ukusindiswa.

¹²⁸ Akumangalisi aphakanyiswayo. Akumangalisi EnguYe onguYe ngobu busuku. UThixo waMphakamisa, kwaye lonke iguny eZulwini nasemhlabeni linikwa Yena.

¹²⁹ Xana umsebenzi Wakhe wasemhlabeni wawugqityiwe, apha emhlabeni... Weza emhlabeni, kwamsinya wezayo Yena, ikhwezi lokusa lamdandalazisa Yena ukuba nguNyana kaThixo. Wadlikidla lonke idemoni awathi wahlangana nalo Yena. Malisikelelwe iGama leNkosi! Amademoni angangcazelwa kwaye adlikidleka, kwaye acela inceba, eBukhoneni Bakhe. Ewe, mhlekazi. Sonke isihogo sayazi yayiNgubani Yena.

¹³⁰ Wahamba ngokuthobekileyo, Yena wayengenandawo yokubeka intloko Yakhe, kubusuku obunethayo. Kwa ezo zilwanyana awazidalayo Yena, “Intaka zasesibhakabhakeni zinezindlwana, neempungutya zinemingxunya, kodwa uNyana womntuakanandawo yokubeka intloko Yakhe esikelelekileyo.” Ngokuqinisekileyo, wayenjalo Yena.

¹³¹ Waba sisono, waba ngothobileyo noshiyiwego. Kodwa amademoni amazi Yena waye eNgubani. Acela inceba. Athi, “Yini na ukuba Wena uze kusithuthumbisa ngaphambi kokufika kwexesha lethu?” Kwaye ngelixa abashumayeli babembiza Yena, “Bhelezabhule, umvumisi,” amademoni ayembiza Yena, “UNyana woThixo ophilayo,” kwaye ecela inceba.

¹³² Owu, indlela esinokuma kuphela nje umzuzu! Ungubani wena, kakade? Yintoni owuthethayo la msebenzi unawo? Okanye yintoni eyithethayo la ndlu incinci esinayo? Yintoni eyithethayo imoto esinayo?

¹³³ Ntombazana encinci entle, wena ntondini enekratshi, yintoni okwakujongeka kuncinci onako ngoku? Nina bafana abanezimenevezelayo, nezicamatheleyo iinwele, amagxa atsolo; niyakugoba ngenye imini, xana nigobile bubudala.

¹³⁴ Kodwa, mayiskelelwe iNkosi! Ninomphefumlo ozelwe ngokutsha. Niyakuphila naphakade nangonaphakade, ngokuba Yena waba nini, ukuze nina ngobabalo Lwakhe nibe nakho ukuba nguYe, aze anenzele indawo.

¹³⁵ Owu, thina abacinga sineempahla zokutshintsha, kunye nokumbalwa ukutya endlwini, niyintoni? UThixo angakuthatha kona ngomzuzu. Okona kuphefumla kwenu kubambelele esandleni Sakhe. Kwaye Yena ephakathi kwethu ukuze aphilise abagulayo, avakalise kwaye achaze, nokuxela kwangaphambili, kwaye lonke ixesha igqibelele. Kwaye ekwakhathala ngokwaneleyo ukubuyisela encinci, efileyo intlanzi ebomini bayo kwakhona, phakathi kwethu.

UYehova esingqongile, uYehova engaphakathi kuthi, omkhulu nonamandla uNDINGUYE.

¹³⁶ Xana Wafayo, bacinga bamfumene Yena. Wehlela esihogweni. Xana Yena washiya umhlaba ngala mini xana Wabethelelwemnqamlezweni, Yena waya kwimimango yabalahlekileyo. IBhayibhile yathi, “Waya kushumayela kwimiphefumlo eyayisentolongweni, engazange yaguquka ekuzekeki kade umsindo, kwimihla kaNowa.” Xana Wafayo, kwaye uMoya Wakhe wamshiya Yena, Waba nguLogos kwakhona. Yena, ndiyabona, wathi, “Ndiphuma kuThixo. Ndibuyela emva kuThixo.”

¹³⁷ Kwaye uThixo wayeyilaNtsika yoMlilo eyakhokela abantwana entlango. Kwaye xana Wayelapha emhlabeni... Naxana Wafayo, Wabuyela ekuKhanyeni kwakhona. UPawulos wambona Yena, kwaye Waye ekukuKhanya. Akukho namnye wabo owambonayo Yena. Bambona uPawulos esiwa. Into ethile yambetha, kwaye YayikukuKhanya. Wathi uPawulos, “Ngubani na Lo ndimtshutshisayo?”

¹³⁸ Wathi, “Sawule, Sawule, uNditshutshiselani na?”

Wathi, “NguBani?”

¹³⁹ Wathi, “NdindguYesu, omtshutshisayo, kwaye kunzima kuwe ukukhaba iimviko.”

¹⁴⁰ Emveni koko wahamba waya kufundisisa okwa kuKhanya. UPawulos wabuyela eBhayibhileni, ukuya kufumanisa kwakuyintoni okwa kuKhanya. Kwaye wabhala le Leta. UkwanguYehova omnye. Okwa kuKhanya kwakusentlango kunye nabantwana bakaSirayeli. Kwaye xana uPetros wayesentolongweni, Waye ekukuKhanya okwangenayo kwaze kwavula iminyango.

¹⁴¹ Kwaye ngobabalo Lwakhe, ze kungabikho namnye uyakuba nokuzithethelela...Owu, ukuba banokulibala abathunywa abangafundanga, baze bakhumbule: asingomthunywa, nguMyalezo. Wehlele kwakhona, ukuba nathi, kwimo yeNtsika yoKukhanya. Kwaye Yena uhamba ngemimangaliso Yakhe ekwaminye nemiqondiso, akukho nanye into engaphandle kweBhayibhile; ukuhlala kanye neBhayibhile, eyibambe phantsi kolawulo, esizisa uzuko Lwakhe, ebonisa amandla Akhe. Maliskelelwemnqamlezweni iGama Lakhe elingcwele!

¹⁴² Ndiyayazi nifanele nicinge ukuba ndiphambene; kodwa, owu, oluya lusikelelekileyo uPhumlo Lwaphakade olusemphefumlweni wam, nokuba iinqwithela zingavuthuza, i-ankile Yam ibambile ngaphakathi kokhuselo.

¹⁴³ Kwaye ukubona Yena xana Wafayo, de, inyanga yafiphala. Ilanga latshona embindini wemini. Kwaye xana Waya kwimimango yabalahlekileyo, [UMzalwana uBranham unkqonkqoza amatyeli amane epulptini—Mhl.] wankqonkqoza

emnyango, laza icango lavuleka ngamandla. IBhayibhile yathi, "Washumayela kwimiphefumo esentolongweni, engazange iguuke ekuzekeki kade komsindo kwimihla kaNowa," emveni kokuba Efile kulomhlaba. Mzalwana wam, dade wam, xana Wafayo, umsebenzi Wakhe wasemhlabeni wawugqityiwe, kodwa Wayesasebenza. Kwaye Usesemsebenzini ngobu busuku. Amen.

¹⁴⁴ Wankqonkqoza eminyangweni yabalahlekileyo. IBhayibhile ithi Wayenza. Kwaye Wangqina, "Ndiyi Mbewu yomfazi. NdinguYe awathetha ngaye u-Adam. NdinguLowo awathi u-Enoki uyakuza kunye namashumi amawaka abangcwеле Bakhe. NdinguNyana woThixo ophilayo, kwaye nonile wadlula umhla wenu wobabalo. Kodwa kwakuprofetiwe kuni, ngazo izithunywa, u-Enoki, uNowa, ukuba kufanele ndize kuzalisekisa lonke iLizwi leBhayibhile kaThixo. Ndilapha njengengqina kulo 'mhlabu wabalahlekileyo.'" Kwaye Washumayela kubo.

Ukwehla ukuyakungena esihogweni Yena waya, kanye ezantsi kumasango esihogo, wankqonkqoza emnyango. Umtyholi wavula ucango, wathi, "Ndikufumene Wena ngoku."

¹⁴⁵ Wathi rhuthu izitshixo ecaleni lakhe, wathi, "Wena mtyholi, ubugrogrisa ixesha elide." Nantsi apha, kanye apha eBhayibhileni. Ndizakufika kuyo emzuzwini. "Ube ugrogirsa ixesha elide, kodwa Ndizile ukuza kukubhukuqa." Waxhakamfula ezo zitshixo waza wamkhabela wambuyisela ngaphakathi, wavala ucango.

Waphuma waza wachola u-Abraham, u-Isake noYakobi. Ngomhla wesithathu Wavuka, kwaye abo babelele engcwabeni bavuka kunye naYe. Owu, haleluya! Akumangalisi yathi imbongi:

Ngokuphila, Wandithanda; ngokufa,
Wandisindisa;
Ngokungcwatywa, Wathwalela izono zam
kude;
Ekuvukeni, Wagwebela simahla naphakade:
Ngenye imini Uyakuza—owu, imini ezukileyo.

¹⁴⁶ Lisikelelekile iqhina elibopha iintliziyo zethu ngobudlelwana bobuKristu, uthando lukaThixo. Xana Wavukayo, Wayengaggibanga, noko. Wayesenomsebenzi okwakufuneka ewenzile.

¹⁴⁷ IBhayibhile yathi, "Wenyukela eNyangweni waza wabapha izipho abantu." Kwakukho isimo sindanda phezu komhlaba, sobumnyama, sokudakumba, sokufa, nokudubeka. Imithandazo yayingenakho ukwenyukela, ngokuba iSicamagushelo sasingekenziwa. Kodwa, Waphumela kwelakhuselo. Wavula indlela. Waphula ikhuselo lesigulo. Waphula ikhuselo lesono. Waphula ikhuselo lokudubeka. Waphula ikhuselo lokudakumba. Waphula lonke ikhuselo, waza wenza indlela ephakamileyo ukwenzela umhambi, ehamba enyukela kwindlela

ephakamileyo yoKumkani. Owu, bethu, xana Wegqitha inyang neenkwenkwezi, ukuqhubeke nokuqhubeke!

¹⁴⁸ Ukulandela, ngasemva Kwakhe, kweza abangcwele beTestamente Endala, u-Abraham, u-Isake noYakobi. Bemka baya ngqo phezulu emazulwini eZulu. Xana babekude ukusuka eSixekweni, ingathi ndiyababona bephakamisa amehlo abo. Wathi u-Abraham, “Esiya siSixeko endandinqwenela ukusibona. Owu, yiza apha, Isake. Yiza apha, Yakobi. Owu, sasingabaphambukeli nabasemzini basemhlabeni, kodwa nasiya iSixeko. Nasiya eSiya esasisilindile.”

¹⁴⁹ Kwaye iBhayibhile ithi bandanduluka, “Phakamisani, nina minyango yaphakade, niziphakamise, kuba uKumkani woZuko uyangena.”

¹⁵⁰ Kwaye iiZithunywa ngasemva kwamasango zadanduluka ziphendula kwezi zithunywa emva apha, zathi, “Ngubani lo Kumkani woZuko?”

¹⁵¹ Zaza izithunywa khona apha, abaprofeti, bathi, “INkosi yeMikhosi, iGorha emfazweni.”

¹⁵² Kwaye bacinezela amaqhosha laza icango elikhulu lavuleka. Kanye ezantsi ngawo umbindi wezitrato Weza, UMeyisi, uloyiso, kunye nabangcwele beTestamente Endala behamba emva Kwakhe. Wahlala phantsi eTroneni, wathi, “Bawo, naba apha. BangabaKho.”

¹⁵³ Wathi, “Khwela unyukele apha kwaye uhlale phantsi, Ndide iintshaba Zakho zonke ndizenze isihlalo seenyawo Zakho.” Njengoko sifunda, sifumana oko khona apha kwiSibhalo. Kulungile.

¹⁵⁴ Phulaphulani. Kuba ngoku sikumqolo wesi-8:

Ekuben i zibeka zonke izinto phantsi kweenyayo zakhe. Kuba...wazibeka zonke izinto phantsi kweenyayo zakhe, akashiyanga nto engekho...phantsi kwakhe. Kodwa ngoku asiboni...zonke izinto zibekwe phantsi kwakhe.

Oko kukuthi, ukufa. Asikuboni ukufa, okwangoku, ngokuba sisafa. Sibona ukufa.

Kodwa, umqolo wesi-9, “Kodwa sibona uYesu!” Amen. Phulaphula.

...sibona uYesu, owenziwa wasilela kancinane kunezithunywa ukwenzela ukuba ubuhluntu bokufa, ethuvesiswe uzuko nembeko; ukuze yena ngobabalo lukaThixo abe nokungcamla ukufa ukwenzela wonke umntu.

Kwakutheni wenziwa wasilela kancinane kuneZithunywa? Ukuze Yena abe nokungcamla ukufa. Kwafuneka afe. Kwafuneke eze, ukuze afe.

¹⁵⁵ Khangela apha, sihlobo. Musa, ungaze ukulibale oku. Xana uYesu wayehamba, enyuka induli, ukufa kwakubhubhuzela kujikeleza intloko Yakhe.

¹⁵⁶ Masithabathe umfanekiso wethu siwuse eYerusalem, amawaka amabini eminyaka eyaqqithayo. Kwaye ungaYala njani? Ndiva isandi sisiza ngestrato. Yintoni? Kukubhampa kwento ethile. Ngumnqamlezo omdala orhabaxa usihla, uphuma kumasango eDamasko, ubhampha phezu kwamatye endlela. Wona lomatye endlela amakhulu asephaya. Ubbampa phezu kwalamatye endlela makhulu, ukubhampa-bhampa. Ndibona ukutshizeka kweGazi estratweni. Yintoni? YiNdoda engenzanga lugonyamelo; akukho nto kuphela kokulungileyo. Abantu babemfamekile. Babengamazi Yena. Babengamqondi Yena.

Uthi, “Bemfamekile? Ingaba babenokuba nako ukubona kwabo?”

¹⁵⁷ Usengaba nako ukubona kwakho uze ubeyimfama. Uyayikholwa lonto? IBhayibhile itsho njalo. Khumbula u-Elisha ezantsi eDothan? Waphuma wababesha abantu ngobumfama, wathi, “Ngoku ndilandeleni.” Babemfamekile kuye.

¹⁵⁸ Kwaye abantu bamfamekile ngobu busuku. Ibandla elithile elingakholelwayo kwimpiliso eNgcwele, benyuka beza kum ngelinye ixesha, baza bathi, “Ndibethe ndibe yimfama. Ndibethe ndibe yimfama.” Kwakusendlwini kaMzalwana uWright. Yathi, “Ndibethe ndibe yimfama.” Yathi, “UPawulos wabesha indoda ngobumfama, ngelinye ixesha.” Yathi, “Ndibethe ndibe yimfama.”

¹⁵⁹ Ndathi, “Sihlobo, umtyholi seleyenzile lonto. Sele uyimfama. Ngokuqinisekileyo,unjalo.”

¹⁶⁰ Yathi, “Philisa le ntombazana kwaye ndiyakukukholelwa.”

¹⁶¹ Ndathi, “Sindisa la moni kwaye ndiyakukukholelwa.” Ngokuqinisekileyo.

¹⁶² “Owu,” yathi, “ifanele ikholwe.”

¹⁶³ Ndathi, “Into ekwanye apha, ifanele ize ngobabalo oluzimele geqe lukaThixo.”

¹⁶⁴ Umtyholi, u-uthixo weli hlabathi, uwamfamekisile amehlo abantu. “Banamehlo kodwa abanakho ukubona,” itshilo iBhayibhile.

¹⁶⁵ Nanku Wayelapha, enyuka ngesitrato, etsala imizila yenyawo yeGazi endleleni ukwenyuka. Inyosi yokufa yayinqola ecaleni Kwakhe, ibhubhuzela kuYe, “Nje ithutyana ndiyakumfumana Yena.” Wayesiba buthakathaka, enxanelwa amanzi.

¹⁶⁶ NdaKhe ndadutyulwa kwakanye, ndilele phezulu apha eddelwени, igazi limpompoza nje ukuphuma kum. Ndakhalela amanzi. Kwaye umhlobo wam wabaleka, wathabatha ikepusi

yakhe wayifaka emanzini; amadala adamileyo, oonojubalala emanzini. Weza ngapha, kwaye ndavula umlomo wam; wakhama okuya. Ngokuba, igazi lalitsitsa njengomthombo, apha ndandidutyulwe ndizizijungqa ngompu. Ndinxaniwe!

¹⁶⁷ Ngoko ndiyayazi oko iNkosi yam ekufanele yayikuko, emva kokopha yonke la ntsasa, ukusuka kwintsimbi yesithoba ukuya kutsho kwintsimbi yesithathu ngorhatya, iphulukana nalo lonke elaGazi. Ndibona ingubo Yakhe, kuqala, nje ngamachaphazana amancinci kuyo. Kwaye onke wona amachaphazana aqalisa ukuba makhulu aze adibana, enza esikhulu isibhaxo seGazi, imbetha Yena emilenzeni njengoko Wayehamba hamba. Elo yayiliGazi lika Imanuweli. Owu, umhlaba wawungaLifanelanga.

¹⁶⁸ Kodwa njengoko Yena wayenyuka, le *nyosi* inqola ecaleni Kwakhe. Yintoni eyayenzayo? Ekugqibeleni yanqolo kuYe.

Kodwa, mzalwana, nabani na uuyayazi, ukuba isinambuzane okanye inyosi, ukuba ikhe yakunqola kwakanye, oko kuwugqibile umsebenzi wolwamvila. Ayinakho ukunqola kwakhona. Ngokuba, xana ishiya, itsala ulwamvila lwayo ilikhuphe.

Eso sisizathu uThixo kwafuneka enziwe inyama. Wathabathela ulwamvila lokufa enyameni Yakhe, waze Yena watsala wakhupha ulwamvila lokufa. Malisikelelw*e*iGama leNkosi! Ukuva kungabhubhuzela kunqole, kodwa akunakukwenzakalisa.

¹⁶⁹ UPawulos, xana wakuva okwakubhubhuzela kwala *nyosi* ecaleni kwakhe, ukufa kwakusiza ngqo. Wathi, “Owu kufa, luphi na ulwamvila lwakho?” Wayenokhomba eKhalvari apha lashiyya khona enyameni ka Imanuweli. “Luphi uloyiso lwakho? Kodwa makubulelw*e*kuThixo osinike uloyiso ngayo iNkosi yethu uYesu Kristu.” Ewe.

¹⁷⁰ Asiboni zonke izinto.

Kodwa sibona uYesu, owenziwa wasilela kancinane kunezithunywa ukwenzela...ukuva obunzima ngokufa,...

Kuba bekumfanele lowo, ezingenxa yakhe zonke—zonke izinto, ukuba ngaye sibe nazo zonke izinto, ekuvaleni...oonyana abaninzi...kwaye enziwe imbangi yosindiso lwethu...ngeentlungu.

Indlela ekuphela kwayo Awayenokuba nguMphathi wosindiso lwethu, kwafuneka Yena eve ubunzima.

¹⁷¹ Phulaphulani kula Mazwi mahle apha ngoku. Ngoku phulaphulani.

Kuba lowo ungcwalisayo nabo bangcwaliswayo bonke ba...kumnye:...

Owu, aniwuboni uMdiliya kunye neSebe phaya? Konke kukunye.

...ekungenxa yesi sizathu engenazintloni ukubizwa ngabazalwana,

Yabona? Kutheni? Phulaphulani, umqolo olandelayo.

Esithi, Ndiyakulixela igama lakho kubo abazwalwana bam, ndivume phakathi kwebandla imibongo yokudumisa wena.

Abuye kwakhona, Ndiya kukholosa ngaye. Abuye athi, Yabonani mna nabantwana ondinike bona wena.

Ekubenit ngoko abantwana abo bengamadlelana naye ngenyama negazi, wathi naye ngokwakhe ngokukwanjalo wabelana nabo ngezo zinto; ukuze ngako ukufa ambhangise lowo unamandla okufa, oko kukuthi, umtyholi;

Abakhulule ebukhobeni abo babethe ngako...kuba u...ngako...ukufa kwakusoloko kubenze izisulu ekukhonxweni.

¹⁷² Umntu wasoloko ekoyika ukufa. UKristu waba sisono, wenziwa wasilela kancinci, ukuze athabathele ukufa phezu Kwakhe. Kwaye Akoyiki ukubizwa “uMzalwana,” wethu kuba Yena walingwa kanye njengokuba silingwa. Kwaye Wenza i... ukuba abe luhlobo olulungileyo lomthetheli, kuba Wamelana nohlobo olunye Iwesihendo omelene naso. Kwaye Wathabatha indawo yakho, esazi ukuba ubungenakuyithatha ngokwakho.

¹⁷³ Ke, akuboni, mzalwana, dade? Into yonke lubabalo. Yonke lubabalo. Asikuko oko ukwenzayo, kakade. Koko asele ekwenzele kona Yena. Ngoku, akunakwenza nenyе into ukwenza usindiso lwakho ulufanele. Usindiso lwakho sisipho. UKristu waba sisono, ukuze ubenokuba lilungisa. Kwaye Yena uluhlobo olulungileyo loMphathi oMkhulu wosindiso lwethu, ngokuba weva ubunzima Yena njengohlobo esava ngalo ubunzima. Walingwa njengohlobo esilingwa ngalo. Kwaye Yena akanazintloni zokubizwa “uMzalwana wethu,” ngokuba Yena uyakwazi oko sidlula kuko. Owu, malisikelelwie iGama Lakhe!

Kuba akathabathelanga kuye isimo sezithunywa; kodwa wathabathela kuye imbewu ka Abraham.

¹⁷⁴ Owu, bethu! Akazange abe yiNgelosi. Waba yiMbewu ka Abraham. “Kwaye thina, ekubeni sifile kuKristu, saba yiMbewu ka Abraham, kwaye sizindlalifa ngokwedinga.” Yabona? Akazange athabathe isimo seNgelosi. Akazange abe yiNgelosi. Waba nguMntu. Waba yiMbewu ka Abraham, waza wathabathela ulwamvila lokufa enyameni Yakhe Buqu, ukusixolelanisa asibuyisele kuThixo, kwaye ngoku uhleli phaya enguMthetheli. Bethu, singaYala njani, sihlobo?

¹⁷⁵ Phulaphula.

Ekuthe ngoko kwizinto zonke kwamfanela ukuba enziwe afane nabazalwana bakhe, ukuze abe ngonenceba kwanombingeleli omkhulu othembekileyo kwizinto ezimalunga noThixo, ukuze enze uxolelaniso... isono sabantu.

¹⁷⁶ Ukuze Yena abe nguMxolelanisi! Yabona, kwakukho ubutshaba phakathi koThixo nomntu. Kwaye akukho mntu...

Bathumela izithunywa, abaprofeti. Zazingenakho ukuthabatha indawo yakho, ngokuba kwakufuneka bazithandazele bona. Babengenakho ukuthabatha indawo yakho.

¹⁷⁷ Ngoko, Wathumela umthetho. Umthetho wawulipolisa elasifaka ejele. Wawungenakho ukusikhupha. Wathumela umthetho.

Wathumela abaprofeti, Wathumela amalungisa nayo yonke into, ingenakho ukwenza isicamagushelo. Kodwa Yena wehla waza waba ngomnye wethu. Owu bethu!

¹⁷⁸ Ndinqwenela besinelininzi ixesha kanye ngoku, Bendingathanda ukunisa kula mthetho wentlangulo; kodwa asinalo, kodwa nje ithutyana. Umfanekiso omhle ukuRute noNahomi. Ukuba uyakubona phaya, uxolelaniso, indlela athe umlimi, indoda ekwakufuneka ihlangu lelalahlekileyo neliwileyo ilifa, kwakufuneka abe ngosisizalwana kumntu othe walahlekana nelifa. Eso sisizathu uBhowazi kwafuneka abe... wayesisizalwana kuNahomi, ukuze abe nokufumana uRute. Kwaze emva koko, kwafuneka abe ngofanelekileyo. Kwakufuneka abe nako ukuyenza lonto, ukuhlangula okulahlekileyo. Kwaye uBhowazi, esangweni, wanika ubungqina basesidlangalaleni, ngokukhaba akhulule isihlangu sakhe, ukuba ube nokuhlangula uNahomi kunye nako konke okulibango lakhe. Kwaye kwafuneka abe sisizalwana.

¹⁷⁹ Kwaye eso sisizathu sokuba uKristu, uThixo, kwafuneka abe sisizalwana kuthi. Kwaye Yena wehla waze waba nguMntu. kwaye Yena wava ubunzima ngokulingwa. kwaye Yena wahlekwa, wenziwa intlekisa, watshutshiswa, akakhathalelw, kwaye wabizwa “Bhelezabhule,” kwaye—kwaye wagculelw, waze wava ubunzima ngokufa phantsi kwesohlwayo sokufa. Yabona? Kwafuneka abe sisizalwana kuthi. Kwafuneka atyholtwe ngobuxoki, ngokuba utholwe ngobuxoki. Kwafuneka athwale isigulo, ngokuba uyagula. Kwafuneka athwale izono, ngokuba yayizono zakho. Kwaye kwafuneka Abe sisizalwana. Indlela ekuphela kwaye Awayenakho ukusihlangula yayikukuba abe sisizalwana kuthi. Kwaye indlela Yena awaba sisizalwana, kukuthabatha isimo senyama esisono aze abe ngomnye wethu. Kwaye kokuya, Yena wahlawula ixabiso waza wasihlangula

wasibuyisela ebudlelwaneni bukaBawo. Owu, onjani uMsindisi! Amazwi awanakuyivakalisa.

Kuba ekubeni eve ubunzima ehendiwe, . . . kwaye unakho ukubasiza abo abahendwayo.

¹⁸⁰ *Usizo luthetha u “kuvelana.”* Okokuba, isizathu Yena waba *koku*, ukuze Yena abe novelwano nawe o . . . *onamahla-nde-nyuka* akho, kwaye *ubugocigoci* bakho obuncinci, kunye nezihendo zakho ziba zikhulu kubenzima ukumelana nazo. Uyayazi indlela yokuvelana nawe. Uhlala phaya, ukwenza ungxengxezo. Uhlala phaya, ukuba akuthande. Kwaye nangona ulahleka, Akasayi kukulahlala. Uyakulanda futhi ekhondweni lakho aze ankqonkqoze entliziyweni yakho. Akukho mwii esakhiveni kuphela koko akwaziyo ukuba uThixo unkqonkqoza entliziyweni yakho imihla yonke. Kwaye Yena uyakuyenza oko usengofayo kulomhlaba, kuba Yena uyakuthanda. Wakuhlangula.

¹⁸¹ Iimbongi zizamile, ababhalu bazamile, amadoda ayazama ukuvakalisa esasihloko so “thando,” kwaye alunakufumaneka ekuvakaliseni kwabantu. Omnye wathi:

Owu, uthando lukaThixo, indlela olutyebe
nolunyulu ngayo!

Indlela elingenakuqiqeka nelomelele ngayo!
Liyakuma ngonaphakade,
Ingoma yabangcwele neeNgelosi.

Ukuba besine inki ulwandle lugcwele,
Kunye nezibhakkabha ngocwecwe zenziwe;
Lonke ukhuni emhlabeni usiba lokubhala,
Kwaye wonke umntu engumbhali ngesakhono;
Ukubhala uthando lukaThixo ngasentla
Bekuyakufunxa ulwandle lome;
Okanye linganakho icwecwe ukuthabatha
konke,
Nokuba lingatwezwa ukusuka kwisibhakabha
ukuya kwisibhakabha.

¹⁸² Anisokuze niqonde. Akukho ndlela yokuba thina sibe nokuqonda indlela eladini likhulu, awalenzayo Yena, wehla waza wasixolelanisi wasibuyisela kuThixo. Emva koko Wabuyela emva waza wathi, “Ngoku, Andiyi kunishiya ningenamthuthuzeli. Ndiyakuza kwakhona ndize ndibe nani, nangaphakathi kuni, kude kuse ekupheleni kwehlabathi.”

¹⁸³ Kwaye silapha namhlanje, siphila esiphelweni sexesha, kunye noYesu okwamnye, izinto ezikwazinye, imiqondiso ekwaminye, imimangaliso ekwaminye, usindiso olukwalunye, uMoya okwamnye usenza izinto ezikwazinye, iVangeli ekwanye, iLizwi elikwalinye, izibonakaliso ezikwazinye, ukubonakalalisa okukwakunye, yonke into. Kusifanele thina ukuba singahilizeli

olu sindiso lukhulu, kuba kuyakufuneka sinike ingxelo, ngenye imini, ngoko esikwenzayo ngoNyana kaThixo.

¹⁸⁴ Usezandleni zakho ngobu busuku, moni, mgwiliki. Yintoni ozakuyenza ngaYe? Uthi, “Kulungile, ndiyakuLibeka ecaleni.” Kodwa, khumbula, sukuwenza oko. Akukho ndlela, konke konke, ukuba ungumoni, yokuba unokushiya esi sakhiwo uze ube yinto enye. Akunakuyenza lonto.

¹⁸⁵ UPilato, ngobunye ubusuku, wazama ukuyenza. Wabiza amanzi waza wahlamba izandla zakhe. Wathi, “Andinanto yakwenza naLo. Ndisengendlela ekwanye ngathi andizange ndiLibone. Andizange ndiyive iVangeli. Andifuni nantu yakwenza ngaYo.” Ingaba wabanakho yena ukuYihlamba ezandleni zakhe? Wayengenakho.

¹⁸⁶ Ekugqibeleni, uayazzi kwenzeka ntoni kuPilato? Waphulukana nengqondo yakhe. Kwaye phezulu lee eSwitzerland, apha sasikhona kunyaka ogqithileyo, sishumayela iVangeli, ngoku phaya kukho iqgala elidala elathi, ukuba, kukho iqula lamanzi phaya, apha abantu bezayo ukusuka kwihiabathi lonke, ukuza kubukela, qho ngonyaka, ngexesha lokubethelawa. UPilato, wazilahlela ekufeni, ngokuzibulala, ukutsibela kulamanzi azitshonise. Kwaye qho ngonyaka, ngolwa suku lunye, amanzi aluhlaza ayabila kwelaqula, ukubonisa ukuba uThixo wawala amanzi. Amanzi awasokuze ahlambe iGazi likaYesu alisuse ezandleni zakho okanye emphefumlwemi wakho. Inye kuphela indlela yokuyenza, kukwamkela Lona njengoxolelo lwakho uze uxolelaniswe noThixo.

Masithandazeni.

¹⁸⁷ Bawo waseZulwini, sibulela Wena ngobu busuku ngeLizwi. “Kuba ukholo luza ngokuva, kwaye ukuva iLizwi.” Sibulela Wena ngoYesu. Kwaye njengoko sibona le mini inkulu esiphila kuyo, indlela imiqondiso nemimangaliso, indlela esiyeka ezi zinto ziphuncuke. Thixo, vula amehlo abantu kulo mnquba, ngobu busuku, okokuba babe nokubona kwaye baqonde ukuba sikwiyiure zokugqibela. Ixesha lifutshane. Asinalo elingako ukuba lide lokubalapha, kwaye kuyakufuneka sibone uYesu. Kwaye kuyakufuneka sibalelwé njengabangcatshi, kuba akukho kuzithethelela. Ngale ntsasa, xana Wena wanikeza lowa mkhulu, unamandla umbono, wala ndoda isiza apha, isuka kude ephandleni ngaphaya; kwaye nokuyibona, ngaphezu kwentandabuzo, iphakama kthesasitudo samavili, isamkela ukubona kwayo. Iimilenze yayo isomelela, ukuhla ukunqumla isakhiwo, ivuya kwaye idumisa uThixo. Ibonakalisa ukuba uThixo usenakho ukuvusela u-Abraham abantwana kula matye. Ukubona imibono, njengoko watshoyo uYesu, “Andenzi nanye into de uBawo aNdibonise. Andinakwenza nto.”

¹⁸⁸ Indoda eyimfama yaMlandela, yaze yathi, “Yiba nenceba kuthi.”

¹⁸⁹ Wathi, wachukumisa amehlo abo waze wathi, “Ngokokholo lwenu, makubenjalo kuni.”

¹⁹⁰ Ngoku, Nkosi, sibona uYesu. Asiboni zonke izinto. Siyabona sisathabathela engcwabeni abangcweli bethu, kwaye sihambe phezu kwelomnye nelomnye ingcwaba. Kodwa sibona uYesu, owenze isithembiso. Sibona Yena enathi. Hayi uYesu engcwabeni, hayi uYesu amawaka amabini eminyaka eyagqithayo; kodwa uYesu ngobu busuku, okunye nathi. Sibona Yena ebonakaliswe kuwo onke amandla Akhe, kunye nemiqondiso, nemimangaliso.

¹⁹¹ Thixo, sanga singangaze siluhilizele oluSindiso lukhulu. Kodwa sanga singaLwanga, kwaye siLwamkele, kwaye sihloniphe, size siphile ngaLo ide ibe yimini aza ngayo uYesu ukusithabathela eKhaya. Siphe yona, Nkosi. Sikucela oko eGameni Lakhe.

¹⁹² Kwaye ngelixxa sineentloko zethu ziqtyudiwe, andazi nokuba kukho umntu esakhiweni ngobu busuku, phantsi koBukhona obuNgcwele bukaMoya oyiNgcwele, oyakuthi, “Mzalwana uBranham, ndoyisekile ukuba andilungisanga. Ndoyisekile ukuba andilungisanga. UThixo uthiyhilile kum izono zam. Kwaye ndiyayazi ukuba andilungisanga. Ndiyakuphakamisela isandla sam kuYe ndiceleinceba, ngobu busuku. Thixo, yiba nenceba kum. Andilungisanga.” Ungayenza lonto?

¹⁹³ Ngelixxa silinde nje umzuzu, ukuba kukho umntu apha ofunayo, kukho ubhaptizo oluzakwenzeka nje ethubeni. Kwaye ukuba ungumoni, bendiyakuguquka. Ungalwalwa njani olungako ukungathelekiseki uthando lwaLowo wafayo? UThixo oyingcwele weZulu waba yiNdoda engu moni; hayi ngokuba Wona, kodwa ngokuba Yena wayenezono zakho, kwaye wazithwalela phaya eKhalvari. Kwaye akuyi kulammedha na olwaxolelo? Akunakuyenza lonto ngobu busuku? Ngelixxa sineentloko zethu ziqtyudiwe, omnye othile uthi, “Ndikhumbule, Mzalwana uBranham. Ndiphakamisela izandla zam kuKristu, kwaye ndithi, ‘Yiba nenceba kum. A—andilungisanga, kwaye ndifuna ukuxolelwaniswa noThixo.’” Ungaphakamisa isandla sakho?

Kulungile, ukuba wonke umntu ngumKristu, ngoko, masithandazeni.

¹⁹⁴ Bawo, sibulela Wena ngobu busuku, okokuba bonke abantu apha ngamaKristu, okokuba bangqinile okukwakunye ngokuzola, okokuba izono zabo zonke ziphantsi kweGazi. Kwaye ndinombulelo ngako oko. Basikelele, Nkosi. Owu, ndivuya kakhulu ngokuba befumene uxolelaniso ngokunikezelwa kweGazi, ngokuva iLizwi. Ukuhlanjwa ngamanzi, ngeLizwi, Liyasicoca. Lisizisa kweyona ndawo inkulu, apho—apho umoni, kunye nobubi ubumnyama, benziwa bubemhlophe okwekhephu.

Amabala angqombela esono ahlanjiwe, kwaye sizizidalwa ezitsha kuKristu. Indlela esikubulela ngayo okuya, Wena, ngako oku.

Ngoku inkonzo yobhaptizo iyeza. Ndiyaqonda ukuba eli nenekazi liselitsha, ngobu busuku, lizakubhaptizwa ezantsi apha, eGameni leNkosi yalo.

¹⁹⁵ Owu Bawo waseZulwini, siyathandaza ukuba Uyakusikelela lomfazi usemtsha. Indlela ingcinga yam ebuyela ngayo emva kwiintsku nje ezimbalwa ezigqithileyo, ukuza eHenryville kunye nokubona leya ithandekayo incinci intombi izula phaya estratweni. Kwaye ngobubusuku, ingunina, inenekazi. Yamkele Wena njengoMsindisi wayo. Ubomi buye banzima kumntwana, Nkosi, Owu Thixo, kodwa iZulu liqinisekile ngaye. Kwaye sibulela Wena ngako okuya. Siyathandaza, Thixo, ukuba Uyakusikelela umfazi osemtscha ngoku. Kwaye njengoko esiza kubhaptizwa ngamanzi, wanga Ungamzalisa ngoMoya oyiNgcwele kaThixo. Siphe oko, Nkosi. Wanga umphefumlo wakhe ungachulumanca nje kangako, ukuya eMazulwini! Siphe oko ukwenzela uzuko Lwakho. Sikucela oko eGameni likaYesu. Amen.

¹⁹⁶ [Indawo engananto eteyiphini—Mhl.] Ndifuna ukufunda ukusuka kwiZenzo, isahluko sesi-2; UPetros ethetha, ngoMhla wePentekoste, ubhaptizo lokuqala olwakhe lwenziwa kwiBandla lobuKristu. UPetros, ekhalimela abaFarisi nabantu abazimfama, ngokungaqondi uNyana kaThixo; ethetha ngendlela awathi uThixo wamvusa ngayo Yena, waze waqondakalisa imisebenzi Yakhe, ngemiqondiso nemimangaliso emikhulu. Phulaphula koku, njengoko wayethetha. Wayephakamisa uYesu.

¹⁹⁷ Wonke umoya womKristu uphakamisa uYesu, hayi kuhphela ngemilebe yakhe, kodwa ngobomi bakhe. Imilebe yakho ingatsho into enye, ubomi bakho butsho engenye. Ukuba uyakwenza oko, uyayazi ukuba yintoni? Kukuhanahanisa. Kwaye ndixolele ukujongana neZulu njengongakholelwayo kubukho bukaThixo kunomhanahanisi. Ndiyakuthatha ithuba lam ngcono, ndiyakhola, eZulwini, njengo—njengongakholelwayo kubukho bukaThixo, kunokuba ngumhanahanisi. Ndiqinisekile... Ukuba uyangqina ngoYesu kwaye uthi “UnguMsindisi,” wena phila ngolwahlolo, kuba abantu bazakulindela kona kuwe. Injalo lonto. Wena phila njengomKristu afanele aphile. Sigqithile kokuya ngale ntsasa.

¹⁹⁸ Ngoku, iNkosi ithandile, ngomso ebusuku, okanye... ngoLwesithathu ebusuku, sithabatha esisahluko sesi-3, esisesimangalisayo isahluko. Kwaye ngoku, qiniseka ukuzama ukuza ngoLwesithathu ebusuku. Bangaphi abayonwabeleyo leNcwadi, yemfundiso yesi sikolo seCawa? [IBandla lithi, “Amen.”—Mhl.] Owu, enkosi kakhulu. Kuhle oko.

¹⁹⁹ Ngoku, ndifuna ukufunda ngoku kwiZenzo, isahluko sesi-2, ukuqalisa kumqolo wama-32.

*Lo Yesu uThixo wamvusa, esingawo a... mangqina.
(Babeyazi.)*

*Ephakanyisiwe ngoko sisandla sokunene sikaThixo,
elamkele kanjalo idinga loMoya oyiNgcwele kuBawo,
Uthulule oku, nikubonayo ngoku kwaye nikuva.*

²⁰⁰ Ngoku phulaphulani kuye ethetha malunga noDavide, esinye sezithunuya.

*Kuba uDavide enganyukanga waya ezulwini: kodwa
wathi ngokwakhe, uYEHOVA wathi kwiNkosi Yam, Hlala
ngasekunene,*

*Ndide iintshaba zakho ndizenze isihlalo seenyawo
zakho.*

UDavide ube engenakunyuka; wayephantsi kwegazi lamathokazi eenkomo, neebhokhwe, neegusha. Kodwa ngoku wayengavuka; wayephantsi kweGazi leNkosi uYesu. Kuba ayephendula kuphela kwelaGazi xana beLiyakuza ngamandla. Xana iGazi likaKrsitu lisiza ngamandla, bonke abo bafa bekwinceba, bavuka, injalo lonto, baza benyukela eLuzukweni.

²⁰¹ Ngoku phulaphula.

*Ngoko mayazi yonke indlu kaSirayeli...
(Phulaphulani)...ukuthi uThixo wamenza kwayena lo
Yesu, ena...mbethelelayo emnqamlezweni nina, iNkosi
noKristu.*

Malunga naphi nokuya? Ingaba Yena nguMntu wesithathu kubutriniti, okanye Yena bubutrinity buponke? Yena yinzaliseko yonke yentlokobuThixo, isemzimbeni.

²⁰² Akukho nto injalo njengooThixo abathathu: UThixo uBawo, Thixo uNyana, noThixo uMoya oyiNgcwele. Oko akukho nkqu naseSibhalweni, naphina. Ayikho naphina. Akukho naphina apho sakhe sayalelwu ukubhaptiza, “Egameni loYise, nasegameni loNyana, nasegamani loMoya oyiNgcwele,” hayi ayikho naphina eZibhalweni. Yimvumo nkolo yobuKatolika, kwaye ayiyo eyebandla lobuProtestanti. Ndiyakubuza nabani andibonise sibe sinye iSibhalo apho nawuphi umuntu wakhe wabhaptizelwa nangayiphi enye indlela kunaseGameni leNkosi uYesu Kristu. Yiza, yibonise kum, kwaye ndiyakubeka uphawo kumhlana wam, “Umhanahanisi, nomprofeti wobuxoki, umfundisi wobuxoki,” ndize ndihambe ngezitrato. Akukho nto injalo. Zange kwabakho nawuphi umuntu owakhe wabhaptizelwa ngala ndlela. Yimvumo nkolo yobuKatolika, kwaye ingeyiyo imfundiso yobuProtestanti.

²⁰³ “UMateyu 28:19,” nithi, “UYesu wathi, ‘Hambani niye kulo lonke ihlabathi, nizifundise zonke izizwe, nibabhpelizele eGameni likaYise, Nyana, noMoya oyiNgcwele.’” Oko kunjalo.

Kodwa hayi, “Egameni loYise, gameni loNyana, gameni loMoya oyiNgcwele.” IGama likaYise, iGama (hayi magama), likaYise . . .

UYise asilogama. Bangaphi abakwaziyo oko? Bangaphi ooyise abakhoyo apha? Phakamisani izandla zenu. Bangaphi oonyana abalapha? Phakamisa isandla sakho. Bangaphi abantu abalapha? Phakamisani izandla zenu. Kulungile. Ngoku, ngubani igama lakho? Hayi yise, nyana, nokuba umntu.

²⁰⁴ Umfazi wathi kum ngelinye ixesha, owayengongqongqo okholelwu kwisithathu, wathi, “Mzalwana uBranham, kodwa uMoya oyiNgcwele ligama.”

²⁰⁵ Ndathi, “UMoya oyiNgcwele asilogama, UMoya oyiNgcwele yinto Oyiyo. NguMoya oyiNgcwele, hayi igama, yilonto Ayiyo. Ndingumntu, kodwa igama lam asingomntu, igama lam nguWilliam Branham.”

²⁰⁶ Ke, ukuba Yena wathi, “Hambani ngoko, nizifundise zonke izizwe, nibabhaptizele eGameni likaYise, nelikaNyana, nelikaMoya oyiNgcwele,” emva koko uPetros, ishumi leentsuku kamva, wathi, “Guqukani,” ngoku, apha, phulaphlani koku:

Kwaye bathe ke bakukuva oku, bahlabeka
entliziyweni yabo, baze bathi kuPetros na . . . kwabanye
abapostile, Madoda nani bazalwana, sithini na?

Uthe ke uPetros kubo, Guqukani, nonke ngabanye,
nize nibhaptizelwe egameni leNkosi uYesu Kristu ukuze
nixolelwu izono zenu, naye niyakusamnkela isipho
soMoya oyiNgcwele.

²⁰⁷ Ngoko ingaba uPetros wenza oko uYesu wayemxelele ukuba angakwenzi? Wayengabbidekanga, sithi ababhidakeleyo.

²⁰⁸ KwiZzenzo isi-2:38, amaYuda ayebhaptizelwe eGameni leNkosi uYesu Kristu, ngokuntywiliselwa.

KwiZzenzo, isahluko sesi-8, sifumanisa ukuba uFilipu wehla waya kushumayela kumaSamari, waze wawabhaptizela wona eGameni leNkosi uYesu Kristu, amaSamari.

KwiZzenzo i-10:49, uPetros wayalela iiNtlanga ukuba zibhaptizelwe eGameni leNkosi uYesu Kristu.

²⁰⁹ UPawulos, iZenzo i-10:5, “Wegqitha ngamantla onxweme lolwandle lwase Efese, wafumana abafundi.” Babengabafundi bomBaptizi; bona, bonke ngamnye, amaBaptizi. Babeguquke phantsi komshumayeli womBaptizi ogama lingu—lingu, yabona, Apollos. Kwaye wayengumshumayeli womBaptizi, “Kwaye wayebonakalisa ngeBhayibhile ukuba uYesu wayenguye uKristu.”

UPawulos wathi, “Ingaba namamnkela na uMoya oyiNgcwele sukela nakholwayo?”

²¹⁰ Bathi, “Asazi nokuba kukhona nawuphi uMoya oyiNgcwele.”

²¹¹ Wathi, “Ngoko nanibhaptizwe njani?”

²¹² Bathi, “Sabhaptizwa yindoda ekwanye eyabhaptiza uYesu, umngxunya wamanzi phandle phaya. Oko kulunge ngokwaneleyo.”

²¹³ UPawulos wathi, “Oko akusayi kusebenza ngoku. Kufuneka nibhaptizwe, kwakhona.” Kwaye uPawulos wabayalela ukuba babbaptizwe, kwakhona, eGameni leNkosi uYesu Kristu. Wabeka izandla zakhe kubo, waze uMoya oyiNgcwele weza kubo. Chanekile. Ewe, mhlekazi.

Iyakuba kukuKhanya ngexesha langokuhlwa,
 Indlela yoZuko ngenene uyakuyifumana;
 Endleleni yamanzi, oko kukuKhanya
 namhlanje,
 Ningcwatywe eGameni elinoyolo likaYesu.
 Batsha nani badala, guqukani ezonweni zenu
 zonke,
 UMoya oyiNgcwele ngenene uyakungena;
 UkuKhanya kwangokuhlwa kufikile,
 Iyinene ukuba uThixo noKristu baNye.

²¹⁴ Oko koko iBhayibhile ikutshiloyo. Injalo lonto. Yiyure, lixesha lokuba kufanele siguqukeni.

²¹⁵ Xela, khwaza xa usele ulungele, equeleni. Kwaye siya... [Umzalwana uthi, “Sesilungele.”—Mhl.] Nilungele? Kulungile, ukutsala imidiyadiya.

²¹⁶ Ngoku, iNkosi inisikelele ngoku, njengoko umzalwana elungiselela ubhaptizo. Ingaba ninakho nonke ukubona apha?



AMAHEBHERE, ISAHLUKO SESIBINI ² XHO57-0825E
(Hebrews, Chapter Two 2)

Lo Myalezo ka Mzalwana William Marrion Branham, waqala ukushunyayelwa ngesiNgesi ngokuhlwa ngeCawa, ngo Agasti wama-25, 1957, kuMnquba kaBranham eJeffersonville, Indiana, U.S.A., wathatyathwa kwisishicileli-mazwi waze wabhalwa ngesiNgesi ungafinyezwanga. Le nguqulelo yesiXhosa ibhalwe yaze yapapashwa yi Voice Of God Recordings.

XHOSA

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ilungelo lombhali elilelakhe lokushicilela

Onke amalungelo agciniwe. Le ncwadi ingaprintwa kwiprinta yasendlini ukwenzela ukuba isentyenziswe okanye kunikezwe ngayo, ngaphandle kwentlawulo, njengesixhobo sokukhawulezisa iVangelli kaYesu Kristu. Le ncwadi ayinakuthengiswa, yenziwe kwakhona ngesixa esikhulu, ifakwe kwi website, igcinwe kwindawo apho inokukhutshwa khona, itolikelwe kwezinye iilwimi, okanye isetyenziselwe ukurhwebesha imali ngaphandle kwemvume echaziweyo ngombalo ephuma eVoice Of God Recordings®.

Ngeechukacha ezithe vetshe okanye malunga nezinye izinto eziphathekayo, nceda qhagamshela:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org